

Innkalling av Heradsstyret

Møtedato: 20.02.2019
Møtestad: Osterøy rådhus - heradsstyresalen
Møtetid: kl. 16.00 – kl. 22.00

Eventuelle forfall må meldast i Møteportalen eller til Bente Skjerping per tlf. 56192100, sms til 41587200 eller per epost til bente.skjerping@osteroy.kommune.no

Varamedlemmer møter berre etter nærare avtale.

Sakliste

Saknr	Tittel
001/19	Godkjenning av innkalling og sakliste
002/19	Godkjenning av møtebok
003/19	Referatsaker og meldingar
004/19	Delegerte saker
005/19	Andre gongs handsaming - Plansak Detaljregulering Fosslia bustad - Valestrand - PlanID 12532016006
006/19	Andre gongs handsaming - Plansak 12532016001 - Detaljregulering masseuttak Vevletveit
007/19	Busetjing av flyktningar i 2019 - oppmoding frå IMDI (Integrerings- og mangfoldsdirektoratet)
008/19	Søknad om salsløyve for alkohol i samband med eigarskifte Bjørndal Handel AS
009/19	Medlemmer og varamedlemmer til representantskapet i Interkommunalt Arkiv

13. februar 2019

Jarle Skeidsvoll
ordfører

Bente Skjerping
sekretær

ORIENTERING

I starten av møtet vert det ein presentasjon ved politikontakt Bjørn Inge Aarsand, Voss lensmannsdistrikt/Vest politidistrikt

SAKSPAPIR

Saksnr	Utval	Type	Dato
001/19	Heradsstyret	PS	20.02.2019

Saksbehandlar		ArkivsakID
Bente Skjerping		19/310

Godkjenning av innkalling og sakliste

Innkalling og sakliste vert godkjent.

Saksopplysningar:

Innkalling med sakliste er send ut.

SAKSPAPIR

Saksnr	Utval	Type	Dato
002/19	Heradsstyret	PS	20.02.2019

Saksbehandlar		ArkivsakID
Bente Skjerping		19/310

Godkjenning av møtebok

Vedlegg:

Protokoll - Heradsstyret - 12.12.2018

Møteprotokoll frå vert godkjend.

Saksopplysningar:

Møteprotokoll er send ut til godkjenning.

SAKSPAPIR

Saksnr	Utval	Type	Dato
003/19	Heradsstyret	PS	20.02.2019

Saksbehandlar	ArkivsakID
Bente Skjerping	19/310

Referatsaker og meldingar

Underliggjande saker:

Saksnummer	Tittel
1	Kontrollrapport 2018 vedrørende skatteoppkreverfunksjonen for Lindås, Meland, Modalen, Osterøy og Radøy kommunar

Saksnummer	Tittel
2	Protokoll Regionråd 1-2019, fredag 25. januar

"Referatsakene vert tekne til vitande."

Saksopplysningar:

SAKSPAPIR

Saksnr	Utval	Type	Dato
004/19	Heradsstyret	PS	20.02.2019

Saksbehandlar	ArkivsakID
Bente Skjerping	19/310

Delegerte saker

Underliggjande saker:

Saksnummer	Tittel
------------	--------

004/19	Kontroll med salsløyve- rapport etter kontroll 09.11.18
--------	---

«Rapport etter kontroll med salsløyve for alkohol ved Norsk butikkdirift AS, org.nr. 931 186 744 Extra Lonevåg, vert teken til vitande.

Vedtaket vert gjort etter ei samla vurdering av rapporten og ansvarshavande sitt svar.»

Saksnummer	Tittel
------------	--------

002/19	Skjenkekontroll 01.12 og 15.12.18 - Kjellaren Restaurant AS
--------	---

«Rapportane frå skjenkekontrollar 01.12.18 og 15.12.18 ved Kjellaren Restaurant AS vert tekne til etterretning.»

Saksnummer	Tittel
------------	--------

001/19	Skjenkekontroll 15. - 16. desember - Ole Bull Kro
--------	---

«Ole Bull Kro, org. nr. 946 834 580 vert i medhald av alkoholforskrifta § 10-3, jfr. Same forskrift § 10-2, tildelt to prikkar for overtreding av alkoholforskrifta kap. 8, jfr. Alkoholova § 1-9, 5. ledd om internkontroll.

Grunngjeving for prikktildeling: I samband med skjenkekontrollen 15. -16.12.18 er det avdekka manglar i internkontrollsystemet. Dette er er overtreding av alkoholforskrifta §§ 8-1 – 8-3, jfr. Alkoholova § 1-9. Etter alkoholforskrifta § 10-3 medfører denne overtredinga tildeling av to prikkar.»

Saksnummer

Tittel

006/19

Skjenkekontroll 15.12.2018 - Osterøykroa

«Osterøykroa, org. nr. 999 314 163 vert i medhald av alkoholforskrifta § 10-3, jfr. Same forskrift § 10-2, tildelt to prikkar for overtreding av alkoholforskrifta kap. 8, jfr. Alkoholova § 1-9, 5. ledd om internkontroll.

Grunngjeving for prikktildeling: I samband med skjenkekontrollen 15.12.18 er det avdekka manglande internkontrollsystem. Dette er er overtreding av alkoholforskrifta §§ 8-1 – 8-3, jfr. Alkoholova § 1-9. Etter alkoholforskrifta § 10-3 medfører denne overtredinga tildeling av to prikkar.»

Melding om delegerte vedtak vert teken til vitande.

Saksopplysningar:

Oversyn over saker som er handsama etter delegert mynde.

SAKSPAPIR

Saksnr	Utval	Type	Dato
014/19	Plan- og kommunalteknisk utval	PS	06.02.2019
007/19	Formannskapet	PS	13.02.2019
005/19	Heradsstyret	PS	20.02.2019

Saksbehandlar	ArkivsakID
Siren Juliussen	16/2772

Andre gongs handsaming - Plansak Detaljregulering Fosslia bustad - Valestrand - PlanID 12532016006

Vedlegg:

16047_Fosslid_Plankart_oppdatert tegnforklaring_09_22.01.2019_A2

Vedlegg 4_Fosslia bustad_planføresegn_22.01.19

Vedlegg 2_Fosslia bustad_planomtale_08.01.19

VA-rammeplan Fosslid, Osterøy_Notat_Rev A

Vedlegg 12_Fosslia bustad_VA-rammeplan_kart_teknikon

(16-132) Valestrandfossen - Utomhusplan Illustrasjonsprosjekt (13.08.18)

Vedlegg 13_Fosslia bustad_Geologisk notat_SGC

Vedlegg 11_Fosslia bustad_Fotomontasje_3D pro

Vedlegg 9_Fosslia bustad_illustrasjonsprosjekt_Hilleren prosj.

RÅDMANNEN SITT FRAMLEGG TIL VEDTAK:

Heradsstyret vedtek i medhald av plan og bygningslova § 12-12 detaljregulering for Fosslia bustad 12532016006, med plankart datert 23.05.2018, føresegner datert 22.01.2019, planskildring datert 08.01.2019, VA-rammeplan notat datert 17.06.2018 og VA-rammeplan kart datert 03.01.2019.

Plan- og kommunalteknisk utval - 014/19

PL - behandling:

AVRØYSTING

Rådmannen sitt framlegg vart samrøystes tilrådd.

PL - vedtak:

"Heradsstyret vedtek i medhald av plan og bygningslova § 12-12 detaljregulering for Fosslia bustad 12532016006, med plankart datert 23.05.2018, føresegger datert 22.01.2019, planskildring datert 08.01.2019, VA-rammeplan notat datert 17.06.2018 og VA-rammeplan kart datert 03.01.2019. "

Saksopplysningar:

SAMANDRAG

Saka gjeld detaljregulering av Fosslia bustadområde i Valestrand. Reguleringsplanen er i samsvar med områderegulering for Valestrand. Tiltakshavar for planen er Cruse AS og utførande konsulent er Ard arealplan.

Planprosess

Planforslaget var 1.gongs handsama i plan og kommunalteknisk utval 19.09.2018 og har vore ute på høyring og offentleg ettersyn frå 09.10.2018 – 20.11.2018. Det er kome inn fem merknadar til planforslaget og ingen motsegn. Merknadene medfører ikkje vesentlege endringar av planframlegget. Det vil ikkje bli naudsynt med ny høyring og offentleg ettersyn.

Saka skal til innstilling i plan- og kommunalteknisk utval

Saka skal til innstilling i formannskapet

Saka skal avgjerast i Heradsstyret

SAKSOPPLYSNINGAR

Planområdet er regulert til følgjande føremål:

Bygg og anlegg (Pbl §12-5 nr. 1):

- Frittliggjande småhus
- Bustader blokker
- Andre kommunaltekniske anlegg

Samferdselsanlegg og teknisk infrastruktur (Pbl §12-5 nr. 2);

- Veg
- Køyreveg
- Fortau
- Anna veggrunn – teknisk
- Anna veggrunn – grøntareal
- Kombinerte føremål for samferdselanlegg og/eller tekniske infrastrukturtrasear (hentelomme renovasjon)

Grønstruktur (Pbl §12-5 nr. 3);

- Naturområde - grønnstruktur

Omsynssone (Pbl §12-6, Jf Pbl § 11-8a);

- Frisiktsone ved veg
- Ras- og skredfare

Føresegnområde (Pbl §12-7);

- Vilkår for bruk av arealer, bygninger og anlegg

Planforslaget omfattar:

- Plankart datert 23.05.2018
- Føresegner datert 22.01.2019
- Planskildring datert 08.01.2019
- VA-rammeplan notat datert 17.06.2018
- VA-rammeplan kart datert 03.01.2019
- Illustrasjonsprosjekt
- Illustrasjonsplan
- Fotomontasje
- Geologisk notat

Bakgrunn for framlegg til plan

Hensikta med planframlegget er å utvikle eigedom gbnr 137/200 i tråd med overordna plan - områderegulering for Valestrand sentrum (planID 2011003). Tiltakshavar er Cruse AS, og plankonsulent er Ard arealplan AS.

Skildring av framlegg til plan

Planframlegget legg til rette for eit leiligheitsbygg over tre etasjar, med ni bueiningar og tilhøyrande uteopphalds- og leikeareal. Leiligheitsbygget blir integrert i terrenget i ei byggegrop. Innanfor planområdet ligg det tre eksisterande bustader med tilhøyrande garasjar på. I tillegg er område for renovasjonsløyving tatt med i planavgrensinga. Tilkomst vil vere frå Veg 1091, som er ein kommunal veg tilknytt Fv 567 Valestrandvegen. Det er venta at utbygginga vil tiltrekke seg bebuarar med born i barnehage- og skulealder. Det er derfor knytt rekkjefølgekrav til utbygginga som føreset utbetring/bygging av fortau langs FV567 før det blir gjeve bruksløyve til bueiningane.

Nokre av plangrensene er usikre men ettersom Fosslia-planen er omslutta av områdereguleringa for Valestrand så har ikkje yttergrensene stor betyding. Fosslia-planen opphevar områdeplanen innanfor dette området. Tiltakshavar ynskjer å avvente oppmålingsforretning og er gjort merksam på at dette inneber ein viss risiko for at planen på eit seinare tidspunkt kanskje må endrast (mindre endring).

Konsekvensar av planen er vurdert i planskildringa, etter naturmangfaldslova §§ 8-12 og ROS-analyse.

Endringar etter høyring og offentleg ettersyn:

Tiltakshavar har i samråd med arkitekt byrja å førebu prosjektering og byggesak i tråd med planframlegget. I samband med denne gjennomgangen har dei sett behov for å mindre justeringar av nokre av føresegnene. Dette gjeld endringar i føresegn 1.1.1, 1.2.6 og 1.2.8.

1.1.1 Ein ser at ulike grep for terrengtilpassing i forbindelse med mur like nord for BBB og i sørleg del av BFS1 kan komme i konflikt med byggegrensa på 8 m. Det er såleis opna for at ein kan gjere terrengtilpassingar i forbindelse med etablering av murane.

Føresegn 1.2.6 opner for ein mur på sør-austleg del av BBB som held terrenget tilbake på GN2. Ein er gjort oppmerksam på at det er ein tilsvarande mur som held terrenget tilbake på nordsida av bygget og at dette ikkje er godt nok ivareteke i føresegna. I tillegg ser ein at muren mot leikeplassen er omtrent 3 m høg mot nord, der rampen til leikeplassen begynner. Ved starten av rampen vil det difor

vere omtrent 3 m høgde på muren. Rampa vil sørge for at mur mellom veg og utearealet på BBB vert terrassert. Terrasseringa skjer gradvis og i start/slutt av rampa vil det vere behov for å ha eit unntak frå føresegn 1.2.6.

Siste del av bestemmelse 1.2.8 kan hindre ei løysing med skråstilt terreng mellom murer. Vi har difor fjerna siste del av setninga. Føresegna ivaretek framleis maks 40 grader helling på terrenget.

Oppsummering av innkomne merknader følgjer under.

1.6 nytt punkt som omhandlar nettstasjon. Ved varsel om oppstart varsla BKK at det kunne vera aktuelt å legge til rette for ny nettstasjon innanfor planområdet eller utvide den eksisterande som ligg utanfor planområdet. Ein har difor opna for etablering av nettstasjon innanfor areal sett av til bygg og anlegg slik at ei evt. Etablering av nettstasjon innanfor planområdet kan gjennomførast. Krav til nettstasjon, blant anna byggegrense, er i tråd med BKK sin merknad ved oppstart av planarbeid.

I uttale frå BIR ved offentleg ettersyn/høyring viste BIR til rettingar i planmaterialet. Endringane i føresegn 4.5 er i tråd med desse.

Rekkjefølgjekrav lagt inn i føresegn etter innkomne merknadar;

Ingen

Andre endringar i føresegn;

1. **1.1.1** Endra frå
Nye tiltak skal plasserast innanfor byggegrensene. Tiltak nemnd i pbl § 29-4, samt støttemurar og parkeringsplassar kan plasserast utanfor byggegrensene.

Til
Nye tiltak skal plasserast innanfor byggegrensene. Tiltak nemnd i pbl § 29-4, samt støttemurar med tilhøyrande terrengtilpassing og parkeringsplassar kan plasserast utanfor byggegrensene.

2. **1.2.6** Endra frå
Unntak frå § 1.2.5 gjeld mur mellom leikeplass og uteareal innanfor BBB og grønstruktur GN2. Desse kan fjørast opp med 4 meter utan terrassering.

Til
Unntak frå § 1.2.5 gjeld mur mellom leikeplass og uteareal innanfor BBB, BFS og grønstruktur

GN2 samt mur mellom føresegnområde #1 og f_SV. Disse kan først opp med 4 meter utan terrassering.

3. **1.2.7**

Endra henvisning frå 1.2.7 til 1.2.5.

4. **1.2.8** Endra frå

Fyllingar/skråningar skal ikkje ha brattare helling enn 40 gradar frå bakkenivå.

Til

Fyllingar/skråningar skal ikkje ha brattare helling enn 40 gradar.

5. **1.6** Ny

1.6 Nettstasjon

Det kan etablerast nettstasjon innanfor areal sett av til bygg og anlegg. Nettstasjon kan oppførast utanfor regulerte byggegrenser og kjem i tillegg til tillaten utnyttingsgrad. Nettstasjon kan oppførast inntil 1m frå eigedomsgrense. Byggegrense rundt nettstasjon er 5 meter.

6. **4.5** Endra frå

Før det kan gjevast bruksløyve til tiltak skal det ligga føre godkjent renovasjonsteknisk avfallsplan (RTP) for avfallsløysing innan planområdet. RTP skal godkjennast av BIR. Planen skal visa arealstorleik og krav til tilkomst og utforming av hentestad.

Til

Før det kan gjevast bruksløyve til tiltak skal det ligga føre godkjent renovasjonsteknisk plan (RTP) for avfallsløysing innan planområdet. RTP skal til uttale hos BIR. Planen skal visa arealstorleik og krav til tilkomst og utforming av hentestad.

Endringar i plankart;

1. Ingen

Planskildring;

1. Det er lagt til kap. 10.2 som omhandlar merknadar og uttaler etter offentleg ettersyn.

Andre endringar;

1. VA-rammeplan - Ei mindre retting er gjort i VA-rammeplan. Påkopling/kum VK1 flytta til vassleidning VL160 PE. (Blå til blå)

Merknader til planframlegget:

Nr	Dagsett	Offentleg instans	Merknad	Forslagstillars kommentar
1	19.10.18	NVE	NVE ber kommunen om å skrive tydeleg i oversendingsbrevet kva ein eventuelt ynskjer hjelp til i den enkelte sak. I denne saka kan NVE ikkje sjå at det er bede om slik hjelp. NVE gjev difor ikkje konkret fråsegn i denne saka.	Teke til orientering.
2	14.11.18	Hordaland Fylkeskommune	Hordaland fylkeskommune har ingen vesentlege merknader til planforslaget.	Teke til orientering.
3	19.11.18	Fylkesmannen i Hordaland	Har ingen merknader til planen.	Teke til orientering.
4	19.11.18	Statens Vegvesen	Ber om at tilhøve for mjuke trafikantar mellom varsla planområde og nærliggjande målpunkt vert utgreidd og teke omsyn til i planarbeidet. Rår kommunen til å setje rekkefølgjekrav om at tilbod til mjuke trafikantar frå planområdet og til kryss mellom kommunalveg og fylkesveg 567 må vere etablert før det kan gjevast bruksløyve til nye bustadar, jf. føresegn 1.3 i kommuneplanen. Har ikkje utover dette vesentlege merknadar til planen. Statens vegvesen vil på vanleg måte skrive uttale til planen når den leggjast ut til 2.gangs offentleg ettersyn.	Det er lagt til rekkefølgjekrav om opparbeiding av fortau til FV 567. Planforslaget vert ikkje lagt ut til 2. gangs offentleg ettersyn då ein kun gjer mindre endringar i planforslaget etter 1. gangs offentleg ettersyn. Planen vert nå sendt til sluttbehandling hos kommunen.
5	21.11.18	BIR	Viser til at det i planføresegnene er stilt fleire krav til avfallsløysinga, både som rekkjefølgje krav for ferdigstilling, krav om tilkomst til hentelomme og krav om at det skal etablerast nedgrave løysing. Dette meiner BIR er svært positivt og har lite merknader til planforslaget. Vedrørande pkt. 4.5 om at RTP skal godkjennast av BIR. Det formelle er at BIR gir ein uttale til RTP som grunnlag for kommunen handsaming av bruksløyve. Gjer merksam på at RTP står for renovasjonsteknisk plan og ikkje renovasjonsteknisk avfallsplan.	Teke til orientering. Teke til orientering, Føresegn §4.5 reviderast slik at setninga «RTP skal godkjennast av BIR» tas ut, det same gjeld «avfall» i avfallsplan. Teke til orientering.

			Er positive til det som er omtalt i planskildringa under kapittel 8.8 Avfallshandtering/miljøstasjon, om at avfallsløysinga også kan nyttast av andre bustader i nærleiken. Nærare detaljar med omsyn til sjølve løysinga, tilkomst og trafikktryggleik mm. kan avklarast i samband med handsaming av RTP.	
--	--	--	---	--

1. NVE

Rådmannen sin kommentar:

Teke til orientering

2. Hordaland Fylkeskommune

Rådmannen si vurdering:

Teke til orientering

3. Fylkesmannen i Hordaland

Rådmannen sin kommentar:

Teke til orientering

4. SVV

Rådmannen sin kommentar:

Rekkjefølgekravet som SVV tilrår var inkludert i planframlegget allereie ved 1.gongs høyring og offentleg ettersyn. Det er rådmannen sin vurdering at planframlegget ivaretek omsyna til mjuke trafikantar som SVV etterspør.

Planframlegget er no til endeleg handsaming (vedtak) og vil som plankonsulent skriv normalt ikkje bli utlagt til nytt offentleg ettersyn og høyring.

5. BIR

Rådmannen si vurdering:

Rådmannen stettar forslagstillar sin endring. Føreseng 4.5 vert endra til at RTP skal sendast BIR til uttale.

RÅDMANNEN SI VURDERING

Det er ingen vesentlege merknader til planframlegget. Forslagstillar har fremja justering av enkelte føresegner for å ivareta tiltenkt prosjektering. Det er Rådmannen sin vurdering at desse endringane ikkje er av slik karakter at planframlegget er prinsippielt endra. Det ikkje naudsynt med ny høyring og offentleg ettersyn.

Naturmangfaldslova (NML) stiller krav til utgreiing av naturmangfald, jf. §§ 8-12 ved offentleg forvaltning av fast eigedom, herunder arealplanlegging, jf §7 i NML. Rådmannen kjenner ikkje til sårbare artar eller naturtypar i området som ikkje er fanga opp av utgreiingane i planarbeidet, jf planskilddinga.

Med bakgrunn i saka slik den er gjort greie for rår rådmannen til at Detaljregulering Fosslia bustad – Valestrand 12532016006 vert vedteken slik den ligg føre.

SAKSPAPIR

Saksnr	Utval	Type	Dato
015/19	Plan- og kommunalteknisk utval	PS	06.02.2019
006/19	Formannskapet	PS	13.02.2019
006/19	Heradsstyret	PS	20.02.2019

Saksbehandlar	ArkivsakID
Siren Juliussen	16/341

Andre gongs handsaming - Plansak 12532016001 - Detaljregulering masseuttak Vevletveit

Vedlegg:

Plankart Detaljregulering masseuttak Vevletveit - Hauge

Føresegner Detaljregulering Masseuttak Vevletveit - Hauge 2019-01-22

Planskildring_Detaljregulering masseuttak Vevletveit - Hauge 2019-01-22

Vedlegg 11 VA-rammeplan Massetak på Vevletveit 2018-06-20

Vedlegg 04_ROS-analyse_Massetak på Vevletveit 2018-06-20

Vedlegg 05 Terrengsnitt A-C_L101_L102 2018-06-13

Vedlegg 14 Landskapskart L103 - Tilbakefylling 1 på 2 Massetak på Vevletveit 2018-06-13

Vedlegg 09 Støyvurdering Sweco 2016-11-07

Vedlegg 12 Teknisk teikning avkjørsel til massetak på Vevletveit D101 - avkjørsel 2017-10-21

RÅDMANNEN SITT FRAMLEGG TIL VEDTAK:

1. I medhald av plan og bygningslova § 12-12 vert framlegg til Detaljregulering masseutttak Vevletveit Plan ID 12532016001 med føresegner, plankart og planskildring datert 22.01.2019, VA rammeplan 20.06.18. og tilhøyrande vedlegg vedteke.
2. Detaljregulering masseuttak Vevletveit gjeld framfor deler av Reguleringsplan for RV 567 Hauge – Lonevåg.

Plan- og kommunalteknisk utval - 015/19

PL - behandling:

AVRØYSTING

Rådmannen sitt framlegg vart samrøystes tilrådd.

PL - vedtak:

- "1. I medhald av plan og bygningslova § 12-12 vert framlegg til Detaljregulering masseuttak Vevletveit Plan ID 12532016001 med føresegner, plankart og planskildring datert 22.01.2019, VA rammeplan 20.06.18. og tilhøyrande vedlegg vedteke.**
- 2. Detaljregulering masseuttak Vevletveit gjeld framfor deler av Reguleringsplan for RV 567 Hauge – Lonevåg."**

Saksopplysningar:

SAKSOPPLYSNINGAR:

Planområdet er regulert til følgjande føremål:

1. Bygg og anlegg (*Pbl. § 12-5 ledd nr. 1*); Råstoffutvinning, massetak og steinbrot (BRU)
2. Samferdsleanlegg og teknisk infrastruktur (*Pbl. § 12-5 ledd nr. 2*); Offentleg veg (o_SV), Privat veg (SV), Annan veggrunn – teknisk (SVT)
3. Grønstruktur (*Pbl. § 12-5 ledd nr. 3*); Vegetasjonsskjerm (GV)
4. Omsynssone (*pbl. § 12-ledd nr. 6 & 11-8 a*); Sikringssone - Frisikt (H140), Sikringssone – Andre sikringsoner (H190), Faresone – høgspenning (H370), Sone med angitt særlege omsyn-Bevaring naturmiljø (H560)

Planforslaget omfattar:

- Plankart målestokk 1:500 datert 22.01.2019
- Føresegner datert 22.01.2019
 - Planskildring datert 22.01.2019
- VA-rammeplan datert 20.06.2018
- ROS-analyse datert 20.06.2018
- Terrengsnitt datert 13.06.2018
- Landskapskart datert 13.06.2018
- Støyyvurdering datert 07.11.2016
- Teknisk teikning avkøyrse til massetak datert 10.09.17

Bakgrunn for framlegg til plan

I arealdelen til kommuneplanen 2011-2023, planID 2010001, er området sett av til råstoffutvinning med omsynssoner for bevaring naturmiljø, H560_71 og gul støysone, H220. Det er sett krav til at arealet må detaljregulerast. Planavgrensinga for planframlegget er i tråd med kommuneplanen.

Mineralressursane på Vevletveit har god kvalitet og er godt eigna til grus- og pukkproduksjon. Då det er av nasjonal og regional interesse å ha lokale ressursar/forsyningar av grus og pukk er det hensiktsmessig å leggja til rette for god framtidig drift av masseuttaket. Reguleringsplanen bidreg til dette, samt sikrar tilbakeføring av området til landbruksføre mål etter at uttaket er avslutta.

Andre tilhøve

I følgje kommunen sine register er ikkje tiltakshavar grunneigar for det regulerte området. Privatrettslege tilhøve bør avklarast i samsvar med søknad om tiltak.

Der uttak av masser skjer over eit lengre tidsrom og drifta er kommersiell, eller samla uttak av mineralførekomstar er på meir enn 10 000 m³, er det krav om både reguleringsplan og driftskonsesjon med driftsplan etter minerallova. Direktoratet for mineralforvaltning (DMF) handsamar søknader om driftskonsesjon og godkjenner driftsplan. Tiltakshavar for Vevletveit har førebels ikkje konsesjon etter minerallova og må søke dette etter eventuelt vedtak av reguleringsplanen.

I samband med at masseuttaket alt er i drift så har kommunen registrert at drifta/uttaket pr dato strekk seg utanfor avsatt grense for råstoffutvinning i Kommuneplanens arealdel og utanfor avsatt plangrense i framlegget. Dette må følgjast opp av kommunen etter gjeldande regelverk. Det er ikkje hensiktsmessig eller tilrådeleg å justere framleggets plangrenser og omfang på noverande tidspunkt då det ikkje vil vere i tråd med overordna plan og vil vere svært tidkrevande. Rådmannen tilrår at ein vedtek planframlegget som framlagt.

Skildring av framlegg til plan

Planen gjeld råstoffutvinning i eit lett tilgjengeleg og eksponert terreng på Vevletveit – Hauge. Planområdet er om lag 30 dekar stort og dekkjer eit eksisterande massetak, samt noko inntakt terreng. Det opphavlege terrenget er kupert, skrånande frå om lag 40 moh ved fylkesvegen opp til 75 moh på det høgste innanfor planområdet. Masseuttaket vil etterlate ei nær rektangulær grop i terrenget som vist i figurar side 31 i planskildringa med inntil 40 m høge sider/skjæringar. Planframlegget føreset at gropa skal fyllast og landskapet tilbakeførast til landsbruksnytte ved avslutting av masseuttaket.

Planen avgrensar område for råstoffutvinninga og skildrar korleis det skal takast omsyn til naturmiljø i nærleiken, og korleis området skal tilbakeførast til LNF etter endt uttak.

Deler av planframlegget er innanfor reguleringsplan for fv. 567 Hauge-Lonevåg. Dette gjeld deler av fv. 362, gjennom planområdet, fram til deponiområde ved Borgavatnet. Detaljregulering masseuttak Vevletveit vil erstatte Reguleringsplan for RV Hauge – Lonevåg der desse planane overlapper.

Planen er vurdert til ikkje å vere utgreiingspliktig etter «*Forskrift om konsekvensutredninger for planer etter plan- og bygningsloven*. Øvrige konsekvensar av planen kjem fram av ROS-analyse og planskildringa.

ROS-analysen er utført etter akseptkriteria og metodeval vedtatt av Osterøy kommune. I analysen er 22 hendingar vurdert som aktuelle. Etter risiko- og sårbarvurderinga kjem to av hendingane inn under gul sone. Dette er sårbar fauna og bratte skrentar/stup. Risiko for sårbar fauna og er knytt til ureining av Vevleelva/Borgavatnet og avbøtande tiltak er skildra i neste avsnitt. Sikring av bratte skrentar skal i driftstida ivaretakast gjennom sikringsplan/driftsplan. Føresegn §§ 2.5.5 og 2.5.6 omhandlar skjeringar/hellingsgrad for tilbakeført terreng etter avslutta drift. I tillegg er tre andre hendingar vurdert som sær sannsynleg, utan at desse er vurdert til å ha alvorleg konsekvens. Det gjeld store nedbørsmengder, støv/partiklar, støy og støy ved massetransport. Avbøtande tiltak for desse aktuelle hendingane er innarbeidd i føresengene under § 2.7. Dette sikrar førebygging av negative konsekvensar for liv, helse, ytre miljø og materielle verdiar.

I arealdelen til kommuneplanen er det lagt inn ei omsynssone H560_71, bevaring naturmiljø, der Loneelva med sidebekkar og 50 meter frå vasstreng inngår i sone. Det er registrert elvemusling i Lonevassdraget, som er svært sårbar for ureining og sedimentering. Det er derfor i reguleringsplanen lagt stor vekt på å hindre avrenning av sediment, kjemikalier eller anna form for ureining. Det skal etablerast sedimentasjonsbasseng innanfor massetaket som er tilstrekkeleg stort for å kunne ta unna avrenning frå heile massetaket jamfør føresegn §§ 2.1.4 og 2.4.1. Vatn frå massetaket skal leiast til filtrering i grunnen, og ikkje sleppast direkte ut i resipient. Føresegn §§ 2.7.3, 2.7.5 og 3.1.2 sikrar vidare at ureina vatn ikkje blir slept ut i vassdraget og at målingar av utslepp vert utført etter krav i ureiningsforskrifta og rapportert til kommunen. Plassering av sedimentasjonsbasseng er juridisk bindande jf føresegn § 3.1.1, som vist i VA-rammeplan.

Endringar etter høyring og offentleg ettersyn:

Spesifikke krav til innhald i driftsplan er teke ut etter merknad frå DMF. For å erstatte punkt som utgår i tidlegare føresegn 2.2.1 og for framleis å ivareta omsyn til sårbar natur og hindre ureining av verna vassdrag er nytt rekkefølgekrav 2.1.4 lagt inn, og føresegn 2.7.5 er utvida med krav om plan for målingar/prøvetaking av utsleppsvatn, fastsetting av grenseverdiar og tiltak ved eventuelle grenseoverskridingar.

Etter merknad frå DMF er også tidlegare føresegn 2.5.6 teke ut. Det vil ikkje lengre vere mogleg å velje hellingsgrad/ulikt landbruksføremål for tilbakeføring av terreng. Området skal tilbakeførast til LNF med helling på maks 1:2.

Merknad frå Statens Vegvesen om at dei skal godkjenne avkøyrsl SV2 til massetaket er etterfulgt.

Oppsummering av innkomne merknader følgjer under.

Rekkjefølgjekrav lagt inn i føresegn etter innkomne merknadar;

1.
2.1.4 Før vidareføring av drift skal sedimentasjonsbasseng jamfør §§ 2.4.1 og 2.7.5 vere søkt om, opparbeid og ferdigstilt.

Andre endringar i føresegn;

2.
2.1.3 Endra frå:
Før vidareføring av drift skal avkøyrsl SV2 til massetaket vere ferdig opparbeida.

Til:

Før vidareføring av drift skal byggeplan for tiltak i tilknytning til fylkesvegen vere godkjend av Statens vegvesen og avkøyrsl SV2 til masseuttaket vere ferdig opparbeida.

3.
2.2.1 Endra frå:

Det skal utarbeidast ein driftsplan for massetaket. Driftsplanen skal godkjennast av direktoratet for mineralforvaltning (DMF). Driftsplanen skal innehalde:

- Informasjon om stad for uttak og topografisk tilhøve.*
- Informasjon om mineralførekomsten.*
- Planlagt uttak og opprydding.*
- Plan for sikringstiltak, jf. § 6.2.*
- Beredskapsplan og tiltaksplan for oljeuhell.*
- Plan for målingar/prøvetaking av utsleppsvatn, fastsetting av grenseverdiar, og tiltak ved eventuelle grenseoverskridingar.*
- Plan for luftbåren ureining/støvnedfallsmålingar jf. § 2.7.2, fastsetting av grenseverdiar, og tiltak for eventuelle grenseoverskridingar.*
- Plan for vedlikehald av sedimentasjonsbasseng.*
- Omsyn til natur og omgjevnader.*
- Plan for varsling av omgjevnadene ved sprenging.*
- Vurdering av behov for berekning av vibrasjonar.*
- Plan for sikring og opprydding etter enda drift (Avslutningsplan).*

- Varigheit for bruk og avslutning av anlegget.

Til:

Det skal utarbeidast ein driftsplan for massetaket. Driftsplanen skal godkjennast av direktoratet for mineralforvaltning (DMF) i samband med regulering av driftskonsesjon. Driftsplanen skal sendast til kommunen til uttale før den sendast til DMF for handsaming

4. **2.5.1** Endra frå:

Ved tilbakeføring av massetaket skal kommunen sine retningslinjer for estetikk, arkitektur og landskap og kommuneplanen sin arealdel § 1.6 og § 1.8 leggst til grunn. Dersom området skal nyttast til landbruk med helling på 1:2, skal Landskapsplan datert 13.06.2018 vere retningsgjevande for landskapsutforminga.

Til:

Ved tilbakeføring av massetaket skal kommunen sine retningslinjer for estetikk, arkitektur og landskap og kommuneplanen sin arealdel § 1.6 og § 1.8 leggst til grunn. Landskapsplan datert 13.06.2018 skal vere retningsgjevande for landskapsutforminga.

5. **2.5.5** Endra frå:

Dersom området vert tilbakeført til LNF-formål med helling på 1:2 skal arealet såast til med stadeigen vegetasjon, t.d. tørreng.

Til:

Området skal tilbakeførast til LNF-formål med helling på maksimalt 1:2. Topplaget skal ha steinfri torv- og eller mineraljord og såast til med anten stadeigen vegetasjon, t.d. tørreng eller gras til grasproduksjon. Det kan også plantast til med stadeigne tre og buskar som ikkje hindrar beite.

6. **2.5.6** Sletta:

Dersom området vert tilbakeført til LNF-formål med helling på 1:4 skal topplaget ha steinfri torv- og/eller mineraljord. Myr- og torvmassane skal ikkje verte blanda med vanleg mineraljord. Det kan såast til med anten stadeigen vegetasjon, eller gras berekna til grasproduksjon.

7. **2.5.6** Ny:

Opp mot bergskjeringane skal det fyllast opp med lausmassar for å dempe skjeringshøgda ved avslutta drift. Arrondering skal tilpassast terreng og topografi i tilstøyting til uttaket.

Høgdeskilnader i terreng /bergskjeringar skal ikkje overstige 2 m.

8. **2.7.5** Endra frå:

Tiltakshavar er ansvarleg for å sikre naudsynte tiltak for å hindre ureining frå planområdet, jf. ureiningslova § 7. Det gjeld mellom anna sandfang, sedimentasjonsbasseng, filtduk og andre naudsynte tiltak. Prosjektering og utføring skal gjennomførast av føretak med relevant kompetanse knytt til hydrologi, biologi, kjemi eller andre fagområde som kan vere relevante. Det skal takast regelmessige prøvar av overvatn, sandfang og bekk nedstrøms frå massane. Intervall for prøvetaking og innsending av resultat til kommunen skal fastsettest i driftsplan.

Til:

Tiltakshavar er ansvarleg for å sikre naudsynte tiltak for å hindre ureining frå planområdet, jf. ureiningslova § 7. Det gjeld mellom anna sandfang, sedimentasjonsbasseng, filtduk og andre naudsynte tiltak, og plan for målingar/prøvetaking av utsleppsvatn med fastsetting av grenseverdiar, og tiltak ved eventuelle grenseoverskridingar. Prosjektering og utføring skal gjennomførast av føretak med relevant kompetanse knytt til hydrologi, biologi, kjemi og/eller andre fagområde som kan vere relevante. Det skal takast regelmessige prøvar av overvatn, sandfang og bekk nedstrøms frå massane. Kopi av rapport skal sendast kommunen minimum halvårleg. Plan for målingar/prøvetaking av utsleppsvatn, skal følgje søknad om løyve til bygging av sedimentasjonsbasseng.

Endringar i plankart:

1. Ingen

Planskildring:

1. Kap. 7.3.1 Råstoffutvinning er endra i samsvar med reviderte føresegner
2. Kapittel 7.3.2 Tilbakeføring av landskap etter avslutta drift er endra
3. kapittel 8.3 Landbruk er endra
4. kapittel 8.4 Landskap og estetikk endra.
5. Kap 10 inkluderer no opphavleg merknad frå DMF

Merknader til planframlegget:

Nr	Dagsett	Offentleg instans	Merknad	Forslagstillar sin kommentar
1	05.10.17	Noregs Vassdrags	NVE prioriterer å gi innspel og	Teke til orientering

		og Energidirektorat (NVE)	uttalar til overordna planar og rettleiing/opplæring til kommunar med store utfordringar innanfor vårt saksområde. I tillegg prioriterer vi å gi uttalar til reguleringsplanar der det vert bede om fagleg hjelp til konkrete problemstillingar. Dette går fram av brev til kommunane datert 29.09.2017 om «NVEs bistand og verktøy i arealplanleggingen», der vi ber kommunen om å skrive tydeleg i oversendingsbrevet kva ein eventuelt ynskjer hjelp til i den enkelte sak. I denne saka kan vi ikkje sjå at det er bede om slik hjelp. NVE gjev difor ikkje konkret fråsegn i denne saka.	
2	05.10.17	Direktoratet for mineralforvaltning med Bergmeisteren for Svalbard (DMF)	Uttale til saka DMF gjer merksam på at våre merknader til oppstart ikkje er nemnd i saksframlegget og ikkje teke med under kapittel 10 -Merknader i planskildringa. <u>Rekkjefølgjekrav</u> DMF ser positivt på at kommunen set rekkjefølgjekrav om godkjend driftsplan for vidareføring og avslutning av drift av uttaket . <u>Føresegner</u> Det bør ikkje settast føresegner for teknisk drift av masseuttaket da dette skal regulerast i driftskonsesjon med driftsplan godkjend av DMF, jf. mineralloven§ 43. I denne samanhengen skal det sikrast at uttak av ressursen vil bli gjort på ein bergteknisk forsvarlegmåte. Om det likevel settast slike føresegner i reguleringsplan må det forklarast kvifor i planomtala. DMF ber derfor om at punkt 2.2.1, som omtalar innhaldet i driftsplanen ,takast ut av planføresegnene.	Dette er retta opp, kap. 10 Føresegn 2.2.1 er endra. Detaljar i innhaldet i driftsplanen er tatt ut. Krav om driftsplan og at denne skal sendast til kommunen for uttale før oversending til DMF er oppretthalde i føresegnene. Kap. 7.3.1 Råstoffutvinning i planskildring er endra.

		Vi ber og om at reguleringsplana ikkje set nedre grense for uttak av massane, med mindre det er særskilde årsakar til dette.	Føresegn 3.1.5 om nedre grense for uttak er oppretthalde for å sikre sedimentbasseng og unngå krater i terrenget for negativ fjernverknad.
		I føresegnene punkt 2.5.7 bør høgder og avstandar av terrassering/pallar takast ut, då dette må fastsettast med grunnlag i bergfagleg forsvarleg drift og vil bli teke vare på i driftsplana. DMF tilrå der i staden å sette krav til at det skal fyllast opp med lausmassar opp mot bergskjeringane for å dempe skjeringshøgda.	Føresegn 2.5.7 er endra. Nytt nummer er 2.5.6. Murhøgder og avstandar til terrassering/pallar er tatt ut. Det er set krav om fylling av lausmasser opp mot bergskjeringane og arrondering tilpassa omgjevnadene
		<u>Omsyn til landskapsbiletet</u> Område for uttak skjer seg inn i toppen av ein markant og eksponert åsrygg. DMF tilrår å leggje uttaksgrensa på innsida av åsryggen. Grenselinje for uttak bør starte i skjeringspunktet mellom faresone H370 sin nordlige grense og grensa for sikring mot nordaust, og førast i rett linje til om lag 8 meter sørvest for der same linje for sikring endar. Dette vil ha stor positiv innverknad på landskapsbiletet då ein tek vare på silhuettlinja over åsryggen. Åsryggen vil og forsterke sikringa på denne sida av uttaket og fungere som ein naturleg del av sikringssona.	Grenser for planlagt uttak av massar skal fastsettast i driftsplan. Reguleringsformål BRU viser området som er avsett til masseuttak og er i samsvar med kommuneplanen. Det vert ikkje gjort endringar i plankart og føresegnar då grenser for uttak og volum vert sett i driftsplan. Det er set krav i føresegn 2.5.1 - 2.5.6 til tilbakeføring som skal sikre at det etter avslutta drift vil vere ein god overgang mellom uttaksområde og åsryggen. Det er ikkje gjort endringar i plandokumenta på dette punktet.
		I plankartet er sikringssona i sørvest lagt inn som ein del av vegetasjonsskjermen mot vegen og elva. Sikringssona vil føre til fjerning av vegetasjon, og vegetasjonsskjermens reelle bredde vil derfor bli mellom 6 og 10 meter. Dette er for smalt til å gi ein	GV skal sikre at markant høgdedrag vert tatt vare på mot Vevleelva. Vegetasjonen i seg sjølv har ikkje vore bestemmende for storleiken på denne sona. Breidda på dagens vegetasjon er frå vegkant Vevlevegen og til uttak mellom 10-12 meter. Vegetasjon og massar utover denne sona er i dag allereie fjerna i dei siste års drift. I

		tilfredsstillende skjermeffekt. DMF tilrår at det settast av 20 meter vegetasjonsskjerm, og at sikringssona leggjast innanfor vegetasjonsbeltet. Det bør også settast av areal for vegetasjonsskjerm mot nordvest, der det finst eksisterande vegetasjon i dag. Eksisterande vegetasjon vil her snevre inn innsynet til uttaket frå denne sida av uttaksområdet. <u>Etterbruk og istandsetting</u> DMF ser positivt på at reguleringsplana beskriv ønska etterbruk og sett krav til istandsetting. DMF oppmodar til å sjå på teksten i planskiltringa og føresegnene som omhandlar dette, då ønska etterbruk synast uklar og tidvis motstridande. Planskiltringa beskriv to alternativ til etterbruk; beiting og landbruk. Kommunen bør ta stilling til kva etterbruk som er føremålstenleg og sette krav i føresegnene ut i frå dette; Alt 1, beiting DMF tilrår å ta vare på topplaget med jord/botnvegetasjon som er attende i uttaket, og lagre desse massane slik at den naturlege frøbanken ivaretakast i mellomlagringa. Naturleg revegetering vil medverke til vekst av naturleg vegetasjon som er mest mulig lik omgivnadene. Revegeteringa kan forsterkast med mindre mengd frøblanding som harmonerer	føresegn 5.1.1 er det krav om at terreng og vegetasjon vert oppretthaldt og at opphøveleg vegetasjon skal takast vare. Det er ikkje gjort endringar i plandokumenta på dette punktet. I nordvest er denne delen av kollen allereie tatt ut og vegetasjon eksisterer ikkje lenger her. Ei utviding av vegetasjonsskjerm her vil ikkje vere hensiktsmessig. Begge alternativa er landbruk, LNF. Men eit alternativ er tilbakeføring til beite, helling 1:2, og eit alternativ er det mogleg med maskinelt landbruk, helling 1:4. Tilstøytande areal er i dag i bruk som landbruk, beite. Tilbakeføring til beite med maks helling 1:2 er også alternativet som gjev minst synlege skjeringar og dermed best landskapstilpassing. Ein har difor set krav om tilbakeføring til landbruk, beite med maks helling 1:2. Føresegn 2.5.1, 2.5.2, 2.5.5 og 2.5.6 er endra. I planskiltringa er kapittel 7.3.2 Tilbakeføring av landskap etter avslutta drift, kapittel 8.3 Landbruk og kapittel 8.4 Landskap og estetikk endra.
--	--	---	--

		med stedeigen vegetasjon. Plana for attendefylling som føresegnene visar til kan her brukast som prinsipp for formgjeving, men med ei tilpassing der ein tek vare på åsryggen. Alt 2, landbruk Ved etablering av landbruksjord tilrårer DMF at det nyttast massar jamfør aktuelt regelverk. Terrenget bør arronderast med bratt helling ned den nye åssida og flatast ut mot innkjørsel. Tilrådd helling for landbruksdrift er 1:7. Åsryggen bør takast omsyn til. DMF tilrår at terrasseringane/pallane settast i stand ved å fyller opp med lausmassar for å dempe skjeringshøgda og at desse fyllingane vegeterast for å ta vare på landskapsbildet. DMF tilrår at kommunen beskriv dette i føresegnene. Her bør det nyttast stedeigen toppmasse, som takast av og lagrast som omtala ovanfor, for å bidra til vekst av naturleg vegetasjon som er mest mulig lik omgivnadene. For å dempe inngrepet i terrenget raskast mogleg bør revegeteringa forsterkast med mindre mengd frøblanding som harmonerer med stedeigen vegetasjon. Det bør og plantast tre og busker med stedeigen karakter, dersom berget sine geologiske eigenskapar tillet slik vegetering. Føresegnene bør omtale arrondering i overgang til omgivnadene etter at uttaket er avslutta. DMF tilrårer at bergveggane tilpassast eksisterande terreng, og at	Føresegn 2.5.6 er endra, det er set krav om oppfylling med lausmassar og krav til arrondering i tilpassing til tilstøytande terreng og topografi. Føresegn 2.5.5 er endra med krav om tilbakeføring til LNF med maksimal helling 1:2 og krav til dekke og vegetasjon.
--	--	--	--

			framtidig område for LNF og omgivelser skal formast slik at desse områda får ein naturleg overgang.	
3	15.10.18	Fylkesmannen i Hordaland	Fylkesmannen har ingen merknader til planen	Teke til orientering
4	17.10.18	Statens Vegvesen	Føreset at tidlegare nemnde krav i uttale 15.07.206 vert oppretthaldt. Statens vegvesen ber om krav om at det i føresegnene vert innarbeida krav om byggeplan for tiltak i tilknytning til fylkesvegen skal vere godkjent av Statens vegvesen før det kan gjevast igangsettingsløyve til slike tiltak. Statens vegvesen meiner deira interesser er i vareteke i planforslaget	Planområdet er utvida til å omfatte fylkesvegen. Teknisk teikning vart godkjent av SVV før utlegging til offentleg ettersyn. Krav om byggegrense på 15 meter og siktsoner er lagt inn i plankart, samt rekkefølgekrav til opparbeiding av avkøyrsløp er tatt inn i føresegnene. Krav om byggeplan er innarbeida i føresegn 2.1.3
5	25.10.18	Hordaland fylkeskommune	Vi støttar vurderinga i planen om at Osterøy er avhengig av grus- og pukkproduksjon for å vere sjølvforsynt med massar til tekniske formål. Det er føremålstenleg å sikre vidare uttak av dei resterande massane framfor å starte uttak nye stader. Vi er nøgd med at det er utarbeidd reguleringsplan med tilbakeføring av masseuttaket til landbruksareal. Hordaland fylkeskommune har ingen vesentlege merknader til planforslaget	Teke til orientering

1. NVE

Rådmannen sin kommentar:

Teke til orientering

2. DMF

Rådmannen sin kommentar:

Rådmannen stettar plankonsulent sine vurderingar. Kommunen er særskilt opptatt av at omsynet til Borgovatnet og førekomsten av elvemusling blir ivaretatt og har derfor lag til grunn at krav om

sedimentasjonsbasseng og førehandsreglar mot ureining må ivaretakast i reguleringsplanen. Vidare er kommunen opptatt av best mogleg føresetnader for tilbakeføring av terrenget etter endt virksomhet og har derfor anbefalt å behalde føresegn om maks skjeringshøgde og nedre grense for uttak. Føresegn 3.1.5 vert ikkje endra, då det ikkje er ynskjeleg med terrengendring lågare enn normal vasstand (34 m.o.h) ved Borgovatnet av omsyn til landskap/ureining/sårbar natur. Nokre av anbefalingane frå DMF i høve terrengtilpassing/vegetasjonsskjerm har ikkje vore hensiktsmessige/mogleg å etterfølgje ettersom uttaket allereie er i drift.

3. Fylkesmannen i Hordaland

Rådmannen sin kommentar:

Teke til orientering

4. Statens Vegvesen

Rådmannen sin kommentar:

Rådmannen stettar plankonsulent sine vurderingar

5. Fylkeskommunen i Hordaland

Rådmannen sin kommentar:

Teke til orientering

RÅDMANNEN SI VURDERING

Rådmannen vurderer at merknadene til planframlegget har vore avgrensa i omfang og er i stor grad innarbeid i planframlegget. Endringane av planframlegget, som i hovudsak gjeld føresegnene, bidreg til å presisere og gjere det lettare å handheve hensikta bak omsyna dei skal ivareta. Dette gjeld særskilt merknaden til DMF. Endringane er ikkje av slik karakter at planframlegget er prinsippielt endra og rådmannen vurderer at det ikkje nausynt med ny høyring og offentleg ettersyn.

Naturmangfaldslova (NML) stiller krav til utgreiing av naturmangfald, jf. §§ 8-12, ved offentleg forvaltning av fast eigedom, herunder arealplanlegging, jf §7 i NML. Rådmannen kjenner ikkje til sårbare artar eller naturtypar i området som ikkje er fanga opp av utgreiingane i planarbeidet, jf planskilddinga.

Med bakgrunn i saka slik den er gjort greie for når rådmannen til at Detaljregulering masseuttak Vevletveit - Hauge ID 12532016001 vert vedteken slik den ligg føre.

SAKSPAPIR

Saksnr	Utval	Type	Dato
009/19	Formannskapet	PS	13.02.2019
007/19	Heradsstyret	PS	20.02.2019

Saksbehandlar	ArkivsakID
Linda Svidal Nordås	18/79

Busetjing av flyktningar i 2019 - oppmoding frå IMDI (Integrerings- og mangfoldsdirektoratet)

Vedlegg:

Brev om oppmoding - Busetting av flyktningar i 2019

Rådmannen sitt framlegg til vedtak:

«Osterøy kommune buset 10 flyktningar i 2019 i tråd med førespurnaden frå IMDI. Familiesameining kjem i tillegg.

Saksopplysningar:

Saksopplysningar:

Bakgrunn

Osterøy kommune mottok 12/12-18 anmodning frå IMDI om å busette 10 flyktningar i 2019.

Kriteria som Kunnskapsdepartementet legg til grunn for busetnad, er:

- Busetnad i alle landsdelar: styrt og spredt busetnad
- Resultat i introduksjonsprogrammet siste 3 år, og sannsynelegheit for å få arbeid i busetnadsregion
- Kommunen sin kapasitet og kompetanse
- Beredskap for opp- og nedbygging av busetnadskapasiteten, stabilitet i tenestetilbodet og evne til rask omstilling
- Områder med høg andel innvandrarbefolkning skal det som hovudregel ikkje busettast flyktningar i
- Kommunar med integreringsmottak, og deira randkommunar, skal vurderast særskilt for anmodning om bosetting

- Det skal i størst mogeleg grad sikrast kontinutet i busetnadsarbeidet

(www.regjeringen.no 10.01.19)

Osterøy kommune er ein av 235 kommunar som er bede om å busette flyktningar i 2019.

Osterøy integrerings- og læringssenter har ansvaret for busetting, introduksjonsprogram og burettleiing. Der det er behov for anna fagkompetanse, vert andre einingar bedt om å bistå. NAV Osterøy er styrka fast med ei stilling for å ta unna auka arbeidsmengde.

Økonomi

Busetting av flyktningar gjekk dei første åra med overskot. Overskotet vart nytta til å dekke inn underskotet i kommunen som heilskap. Osterøy integrerings- og læringssenter leverer framleis overskot, men det er ikkje tilstrekkelig med oversikt over kva andre einingar har av utgifter knytta til denne brukargruppa. Det er òg ei kjennsgjerning at utgiftene knytta til busetting kan bli større mot slutten av busetnadsperioden, då tilskota er minst. Siste halvår 2018 har ein difor drøfta om ein bør sette av overskota frå år til år i eit fond, som einingane i Osterøy kommune melder inn sine utgifter til. Overskotet Osterøy integrerings- og læringssenter leverte i 2018, skal nyttast til startkapital på eit slikt fond.

Tilskotssystemet som er knytta til denne gruppa, har heller ikkje vore tilstrekkelig utnytta dei første åra Osterøy kommune busette flyktningar. Dette er no Osterøy integrerings- og læringssenter i ferd med å få på plass.

Inntektene er knytta til eit persontilskot per person som vert busett over 5 år. Norsktilskotet kjem i tillegg, men går berre over 3 år. Der det er behov for særskilt oppfølging grunna helseutfordringar og liknande, kan ein søke eit ekstra tilskot for å få dette dekkja. Her er det imidlertid strenge krav til rapportering om at bruken er knytta konkret til den enkelte sak.

Utgiftene fordeler seg i hovudsak på Osterøy integrerings- og læringssenter og NAV Osterøy. Det er behov for ein betre kontroll på utgiftene NAV Osterøy har på denne gruppa. Tverrfagleg samarbeid og tidlig innsats må vere eit bærande prinsipp i møtet med flyktningar, slik at ein førebygger behov for bistand frå NAV når introduksjonsprogrammet blir avslutta etter 2 til 3 år.

Øg andre einingar har ekstra utgifter. Skular og barnehagar har i 2018 blitt kompensert etter faste satser, medan andre einingar kan få dekking etter førespurnad. Ein meir rettferdig modell for dekning av ekstraavgifter vil komme på plass ved oppretting av fond.

Flyktninggrupper

Vi har per i dag busette frå Eritrea, Syria, Iran/Afghanistan og Irak, tilsaman 71 personar. IMDI har signalisert at prinsippet framover vil bli «Flyktning søker bustad», ikkje «kommune søker flyktning». Dette betyr at vi i liten grad vil kunne påverka om vi buset par, familiar eller einslege, eller kva land/område desse vil komme frå. Det ein veit, er at andelen kvoteflyktningar vil auke, og at det er stor grad av sannsynlegheit om at vi vil busette dette i 2019 dersom heradsstyret vedtek busetnad.

Kompetanse og arbeidsplassar

Osterøy integrerings- og læringssenter har lukkast med å bygge ein organisasjon med høg kompetanse på fleirkulturelle, språklæring og flyktningproblematikk. Organiseringa er slik at vi ikkje er personavhengig; kompetansen sit i organisasjonen like mykje som i den enkelte arbeidstakar. Åra med organisasjonsbygging og grunnleggjande avkoding av faget er over. Nå bygger vi kvalitet; kurs og konferansar har vist oss at vi på mange områder ligg i front på forståing av kva tiltak vi må sette i verk for å sikre god integrering. Introduksjonsprogrammet har no alle lovpålagte innhaldselement, og Osterøy kommune som heilskap har gjort ein formidabel jobb med å ta i mot personar i språkpraksis.

Resultat av introduksjonsprogrammet

Det er for tidlig å konkludere med resultat av introduksjonsprogrammet, då dette må sjåast over år. Osterøy integrerings- og læringssenter erkjenner likevel at resultata for 2017 var for dårlig. Resultata for 2018 er ikkje kome. Årsaken til dårlige resultat, er at «grunnskule for vaksne» som sluttårsak per i dag ikkje er «godt nok». Det må minimum vere vidaregåande skule, eller ordinært lønna arbeid. På nasjonalt nivå skjer det per i dag ein vurdering på om «grunnskule for vaksne» skal godtakast som sluttårsak.

Tiltak er sett i verk for å betre sluttresultat, men effekt av disse tiltaka vil ikkje kome før om eit par år.

Vurdering

Osterøy kommune har kapasitet til å ta i mot og integrere 10 flyktningar i 2019. I eit folkehelseperspektiv betyr dette at Osterøy blir eit meir mangfaldig samfunn; integrering og inkludering går hand i hand.

Osterøy kommune vurderer å etablere eit fond som skal dekke utgiftene for busetting av flyktningar.

Folkehelse – ikkje vurdert

Miljø – ikkje vurdert
Økonomi – sjå vurderinga ovanfor

Konklusjon

Osterøy kommune buset 10 flyktningar i 2019. Familiesameinte kjem i tillegg.

SAKSPAPIR

Saksnr	Utval	Type	Dato
010/19	Formannskapet	PS	13.02.2019
008/19	Heradsstyret	PS	20.02.2019

Saksbehandlar	ArkivsakID
Bente Skjerpeng	19/7

Søknad om salsløyve for alkohol i samband med eigarskifte Bjørndal Handel AS

Rådmannen sitt framlegg til vedtak:

«I medhald av alkohollova §§ 1-4a, 1-4b, 1-6, 1-7, 1-7a, 1-7b, 1-7c, 3-1, andre ledd og 3-7 vert det gjeve salsløyve for drikk med inntil 4,7% alkoholinnhald (gruppe 1) for:

Løyvehavar: Bjørndal Handel AS, org. nr. 921 785 119. Salsstad: Butikklokale i Osterøyvegen 3390.

Styrar for løyvet: Silje Hjellvik, f. 25.11.84 Stedfortredar: Thomas Rene Barlow-Wiggin, f. 30.08.79.

Løyveperiode: 22.02.2019 – 30.09.2020.

Sal- og utlevering av alkoholhaldig drikk gruppe 1 kan skje i butikken si opningstid, då avgrensa til tida mellom kl. 08.00 – kl. 20.00 på kvardagar og kl. 08.00 – kl. 18.00 på dagar før sun- og heilagdagar med unntak for dagen før Kristi Himmelfartsdag, 1. mai og 17.mai, jfr. alkohollova § 37. Løyvehavar, styrar og stedfortredar vert godkjende.»

Saksopplysningar:

Saksopplysningar:

Bakgrunn

Bjørndal Handel AS, org.nr. 921785119, søker om salsløyve for alkohol frå 01.02.19 i samband med at nye eigarar overtek butikken. Søknad med vedlegg er motteken 28.12.18.

Alkohollova § 1-10 omhandlar overdraging m.v. ... «Bevillingen faller bort ved overdragelse av virksomheten. Det samme gjelder ved overdragelse av alle eller en dominerende andel av aksjene eller andelene i et selskap som eier slik virksomhet.....»

I dette tilfellet er det stifta eit nytt selskap som skal overta drifta av butikken på Tysse og det må difor søkjast om nytt salsløyve for alkohol.

Ny styrar for løyvet er Silje Hjellvik, f. 25.11.84 og ny stedfortredar er Thomas Rene Barlow-Wiggin, f. 30.08.79. Begge har bestått kunnskapsprøven i alkohollova.

Søknad med vedlegg er send politiet og sosialtenesta til uttale. Sosialtenesta har ikkje merknader til søknaden.

Vurdering

Denne butikken har som dei andre butikkane i kommunen hatt salsløyve for alkohol i mange år, og ein kjenner ikkje til omstende som tilseier noko anna. Lokalbutikken er viktig for fastbuande og tilreisande og det bra at ein ny generasjon vil overta og driva vidare.

Folkehelse - ingen endring i høve til dagens situasjon

Miljø – ingen endring i høve til dagens situasjon

Økonomi – ingen endring i høve til dagens situasjon

Konklusjon

Saka vert lagt fram for formannskapet for tilråding til vedtak i heradsstyret.

SAKSPAPIR

Saksnr	Utval	Type	Dato
009/19	Heradsstyret	PS	20.02.2019
001/19	Valnemnd	PS	11.02.2019

Saksbehandlar		ArkivsakID
Bente Skjerping		15/3534

Medlemmer og varamedlemmer til representantskapet i Interkommunalt Arkiv Suppleringsval

Vedlegg:

Val av medlemmer/varamedlemmer til representantskapet i Interkommunalt arkiv i Hordaland

Selskapsavtale-pr.-01.01.2017

Rådmannen sitt framlegg til vedtak:

«Det vert gjort slikt val til representantskapet i Interkommunalt arkiv i Hordaland IKS :

Medlem: ----- Varamedlemmer: -----

Saksopplysningar:

Saksopplysningar:

Bakgrunn

Heradsstyret valde i møtet 09.12.15 slike medlemmer til representantskapet i Interkommunalt arkiv i Hordaland IKS for perioden 2015 - 2019:

"Det vert gjort slike val til representantskapet i Interkommunalt arkiv i Hordaland: Medlem: Marit

Solberg, seksjonsleiar. Vara: 1. Astrid Kollvangsnes, sekretær. 2. Lisbeth Mjelde Åsheim, sekretær."

Marit Solberg er no slutta i kommunen og Lisbeth Mjelde Åsheim har gått over i anna stilling. Det bør difor veljast nye medlemmer og varamedlemmer før representantskapsmøtet våren 2019.

Medlemmer og varamedlemmer skal veljast av heradsstyret. Det har vore praksis å velja tilsette i arkivtenesta/dokumentsenteret til dette vervet.

Vurdering

Rådmannen vil tilrå val av administrativt tilsette til vervet. Som ny medlem vil ein foreslå arkivleiar Hilde Kristine Bøe, første vara som no Astrid Kollvangsnes, og som andre vara Beate Iren Bakkemo.

Folkehelse – ikkje vurdert i saka

Miljø - ikkje vurdert i saka

Økonomi – ingen endring i forhold til dagens situasjon

Konklusjon

Saka vert lagt fram for valnemnda for tilråding til heradsstyret.